


寶領教濟度金書卷之二百五十五

黎一





御製

天地定位 陰陽協和 星辰順度 日月昭明  
 寒暑應候 雨暘以時 山嶽靖謐 河海澄清  
 草木蕃庶 魚鼈咸若 家和戶寧 衣食充足  
 禮讓興行 教化修明 風俗敦厚 刑罰不用  
 華夏歸仁 四夷賓服 邦國鞏固 宗社尊安  
 景運隆長 本支萬世 正統十年十月十一日



靈寶領教濟度金書卷之二百五十五

黎

洞微高士開光救苦真人竊全真授

靈寶通玄弘教水南先生林靈真編

科儀立成品 禳焚 惑用

火部設醮儀

步虛 燒香頌

各禮師存念如法

宣衛靈呪

五星列照 煥明五方 水星却災 木德致昌

熒惑消禍 太白辟兵 鎮星四據 家國利亨

名刊玉簡 字錄帝房 乘飈散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁和與道合真

鳴法鼓二十四通

无上三天玄元始三炁太上道君召出臣身

卷一

中三五功曹左右官使者侍香金童傳言玉  
女五帝直符直日香官各三十二人出出者  
嚴裝關啓玄壇天帝神君當召此間土地里  
域真官正神急上關啓臣今奉爲入齋意以  
今陞壇設醮願得



玉清道炁靈寶妙光下降流入臣等身中即  
使玄壇清淨內外成真天無氛穢地無妖塵  
琳琅振響十方肅靜萬魔不干真誠上徹令  
臣所啓速達徑御

太上无極大道至真玉皇上帝 御前

請稱法位

具位某恭焚寶香上啓

火祖燧人帝君火祖炎帝帝君火正闕伯真  
官火神祝融神君火神回祿神君火炁鬱攸  
神君丙丁位司火大神巳午位司火大帝南

方赤精帝君南方赤靈帝君五方天火地火  
雷火電火風火火精神君五方禁火斷火制  
火伏火火精神君五方火殃使者五方游火  
飛火行火列火火殃使者五方主火大神興  
雲行雨制伏火殃大神虛空消火制禦大神

梨一

二

天曹主火司火靈官火部判官火鈴大仙火  
部巡察使者火令使者伏火藥先生禁火李  
真人主火宋无忌神君皇聖大炎大赫神君  
火司翊衛大神火部侍從承受主簿功曹典  
吏火部賞善罰惡簿靈官諸司院府捷疾火



輪風火龍騎烈炎將軍雷霆諸司擲火燄火  
火車火鈴流火將軍火部佩弓箭駕火鷗擎  
火珠執旗戟御火兵捧印諸力士火部執鉞  
斧運火車火鴉火瓢火鎗火蛇火輪諸靈官  
城隍社令境邑典祀神祇廟貌殿堂有位香  
火聖衆太歲尊神六十甲子諸官君司命六  
神竈神聖衆火司防禦一切神明伏聞五劫  
初分赤明煥炎精之象三靈旣判南離司火  
正之權散萬形而恢張無垠運一炁而彌羅  
有截燎原赫赫翕張端藉於神功炎岡騰騰

作止亶由於聖力凡伸皈向敢叛主維今醮  
官其人等經營一區卜築百堵乃傳聞於炎  
曜翕霍飛行謂肖似於火殃倏忽來往鄉鄰  
震動里社驚惶苟躔次之未移恐旬浹之召  
禍須憑懇禱方獲康寧爰修淪祭之恭庸表  
敷心之敬伏望靈光煒燁梵炁迴旋乘雲御  
風駕炎車而蒞止飛烟策電挾火焰以來臨  
不遺萬一之私恪副再三之禱臣下情不勝  
激切之至謹稽首皈誠奉請

請神

初獻



重稱法位

具位某謹焚香上啓

火部帝君官吏一切真靈伏聞五行循環火  
惟一而炎上六炁騰伏火列二以居中御夏  
則贊化司權配離則開明秉禮上關天象燦

然經緯之錯居下職民生赫若陰陽之並用  
欽惟神運實握靈機火令先驅走風雲於足  
下火隊後從鼓霆電於目前炎炎而若有若  
無灼灼而或高或下五方起滅來莫測而去  
莫知十極升沉近或炎而遠或墜凡居部伍



皆屬神明今醮官某等屋宇比連室廬綿亘  
偶火殃之過目值星變之驚心聲震山林勢  
猶輪輻方隅駭汗恐變異之即興里閭徬徨  
慮災殃之或至況此鱗鱗之萬瓦率多翼翼  
之千家有舊有新無貴無賤儻釁萌於瞬息  
而禍起於須臾上化災烟下餘灰燼雖發憤  
而奚益縱慟哭以何禪是以燒香散花建齋  
設醮冀赦曩時之咎預期此日之安併列菲  
忱庸陳葵志敢望監此懇幅徼彼神靈收隊  
從以移躔勒偏裨而易次免爲焦土實戴盟



金某不勝虔切之至

亞獻

具位某上啓

火部帝君官吏一切真靈伏聞高高在上建  
玄曹而賞罰無違切切由中扣蒼穹而禍福

黎一

四

必應既齋壇之告備復醮席之重陳結志同  
誠已勤悃悃齋心錫福諒副忱恂伏願醮官  
某等始自今時終至他日處處之門闌樂事  
家家之院宇歡聲庭戶開祥啓處不罹於小  
厄室家胥慶起居無撓於纖塵亘百世而舊



舍猶存閱千歲而弊廬無恙天災雨散免焦  
墉斷礎之虞人火冰清無曲突徙薪之慮從  
老至幼由公及私均游宴於青春永夷猶於  
白日里閭安泰井落康寧朝誦夜弦藹詩書  
於桑梓冬裘夏葛守文憲於蓬茅蒙如真切  
之祈式副皈依之悃某不勝激切之至

終獻

具位某上啓

三清上聖十極高真玄壇內外一切真靈伏  
聞情見乎辭媿敷陳於匪敬儀不及物復莫



獻之非彝尚希涵宥之恩曲賜生全之澤河  
澄月淡恍夜漏之將中斗轉雲橫覺清宵之  
已半無從攀戀惟劇瞻馳其下情無任虔切  
之至稽首再拜奉送

舉回輶頌

和卷一

詣焚燎

餞聖

向來

靈寶領教濟度金書卷之二百五十五





